



Bosnia and Herzegovina  
Federation of Bosnia and Herzegovina  
CANTON SARAJEVO  
Ministry of Justice and Administration

Broj: 03-03-05-28145-36/19  
Sarajevo, 06.09.2019. godine

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
STRUČNA SLUŽBA VLADE

**Predmet:** Izjašnjenje na zastupničku inicijativu zastupnice Bilsene Šahman, dostavlja se -

**Veza:** vaš akt broj: 16-01-05-28145-36/19 od 31.07.2019. godine

Na Dvanaestoj sjednici Skupštine Kantona Sarajevo, održanoj 24.07.2019. godine, u okviru tačke Dnevnog reda „Poslanička/zastupnička pitanja i odgovori“, zastupnica Bilsena Šahman je pokrenula sljedeću zastupničku inicijativu:

*„da imena članova i njihove reference u komisijama iz svakog resora budu transparentne, kao i objavljujivane na web stranicama“.*

S tim u vezi, Ministarstvo pravde i uprave Kantona Sarajevo dostavlja sljedeće

## IZJAŠNJE NJE

U vezi zastupničke inicijative zastupnice Bilsene Šahman, obavještavamo vas da je odredbom člana 7. Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo”, broj 21/19) (u daljnjem tekstu: Uredba) propisan obavezan sadržaj web stranice organa uprave, javnih preduzeća, javnih ustanova i pravnih lica čiji je osnivač Kanton Sarajevo (u daljnjem tekstu: organi javnog sektora).

Navedenom odredbom je propisano da su organi javnog sektora dužni učiniti javnim i dostupnim sve propise i druge akte propisane predmetnom Uredbom. Nadalje je propisano da svaka web stranica organa javnog sektora obavezno sadrži odjeljak/sekciju u kojem će se nalaziti svi propisi i drugi akti propisani Zakonom o objavljivanju propisa i drugih općih akata u “Službenim novinama Kantona Sarajevo” i Uredbom, te da organi javnog sektora obavezno na web stranici objavljuju: odgovore na postavljena pitanja zastupnika zakonodavnih i/ili predstavničkih tijela svih



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba);  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1



nivoa vlasti koja se odnose na djelokrug rada organa javnog sektora; mišljenja koja pribave organi javnog sektora ili koje nadležne institucije daju o značajnim pitanjima iz djelokruga rada organa javnog sektora; izvještaje o radu organa javnog sektora; finansijske planove organa javnog sektora; izvještaje revizorskih kuća o poslovanju organa javnog sektora i informacije o sjednicama tijela organa javnog sektora (skupštine, upravni odbori, nadzorni odbori i drugi organi koji su uspostavljeni u organima javnog sektora), sa navođenjem dnevnog reda tih sjednica.

Odredbe Uredbe ni na koji način ne isključuju ili ograničavaju organe javnog sektora da na svojim službenim web stranicama postavljaju informacije i obavještenja za koje smatraju da su neophodni za javnost.


Prilikom provedbe Uredbe, organi javnog sektora dužni su poštovati odredbe Zakona o zaštiti ličnih podataka ("Službeni glasnik BiH", br. 49/06, 76/11 i 89/11) i Zakona o zaštiti tajnih podataka ("Službeni glasnik BiH", br. 54/05 i 12/09).

Nadalje, članom 2. Odluke o Registru imenovanih lica u Kantonu Sarajevo ("Službene novine Kantona Sarajevo", broj 23/19) (u daljnjem tekstu: Odluka) propisano je da predmetnu Odluku primjenjuju svi organi uprave i službe, javne institucije na nivou Kantona Sarajevo, koje se finansiraju iz Budžeta Kantona Sarajevo, institucije nad čijim radom ministarstva vrše nadzor, javna preduzeća, javne ustanove, fondovi, zavodi, čiji je osnivač Kanton Sarajevo (u daljnjem tekstu: Institucije). Tačkom c) stava (2) istog člana Odluke je propisano da se u Registru imenovanih lica evidentiraju podaci o imenovanim licima koja obavljaju sljedeće javne funkcije u Institucijama, i to: predsjednik i članovi komisija, savjeta i drugih imenovanih radnih tijela u Institucijama i radnih tijela koja obrazuje Vlada Kantona Sarajevo.

Članom 5. Odluke je propisano da se u Registar, između ostalih, unose i sljedeći podaci imenovanih lica: ime i prezime, funkcija imenovanja, naziv radnog mjesta i stručna sprema.

Članom 10. Odluke je propisano da Ured za borbu protiv korupcije i upravljanje kvalitetom Kantona Sarajevo (u daljnjem tekstu: Ured) vrši obradu svih prikupljenih podataka koje dostave ili unesu Institucije i istè javno objavljuje na internet stranici informacionog sistema Ureda.

S poštovanjem,



**Dostaviti:**

- naslovu;
- u predmet.



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba);  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1

